

喀喇沙尔事宜

下卷

中國民族史地資料叢刊之十一（內部參攷）

喀喇沙爾事宜

下卷

中央民族學院圖書館編

一九七九年九月

喀喇沙爾事宜下卷

吳江 吳豐培 重訂

土爾扈特歸附始末

土爾扈特者。額魯特蒙古四部中之一部也。當明時。謂額魯特曰衛拉特。亦作瓦剌。分爲四大部。曰準噶爾。綽羅斯部。牧地在阿尔台。曰和碩特部。牧地在烏魯木齊。曰杜爾伯特部。牧地在額爾齊斯。曰土爾扈特部。牧地在雅爾所屬之額什爾努拉地。雅爾即今塔爾巴哈台所屬。其地僻遠瘠苦。夏生白蠅。遺蛆入目。冬則大雪。不堪其寒。四部雖各有牧地。而皆以伊犁爲會宗處。綽羅斯部實擅其利。以故最強。土爾扈特之始祖曰翁罕。六傳至瑪哈齊蒙克。子二。長曰貝果。鄂爾勒克。次曰翁貴。貝果。鄂爾勒克子四。長曰卓立甘。鄂爾勒克。次曰衛衮。

察布察齊三曰保蘭阿噶勒琥四曰莽海其卓立甘鄂尔勒克之子曰和鄂尔

勒克六傳而至渥巴錫

何秋濤案亦作渥巴錫亦作烏布沙

是為舊土尔扈特衛衮察布察齊之

子曰額濟內泰什五傳而至舍稜是為新土尔扈特自乾隆三十六年歸附後

始詔以新舊別稱而其先代系族之可考者具如右明崇禎年間土尔扈特部

長和鄂尔勒克與綽羅斯部長巴圖尔琿台吉交惡巴圖尔琿台吉者噶尔丹

父也和鄂尔勒克遂棄雅爾牧地挈其族衆西走越哈薩克回部西抵俄羅斯

境之額濟勒河

秋濤案額濟勒河亦作額濟尔亦作厄濟兒亦作額集尔此水發源於俄羅斯國都之莫斯科窪境俄羅斯人呼為佛尔格河

亦曰倭

屯且牧焉所居地曰瑪努托海倚騰吉思巨澤北界俄羅斯南界哈薩

克東界哈喇哈爾榜西界圖里雅斯科處乎四國之間而與俄羅斯察罕尤為

切近蓋所牧本俄羅斯國之甌脫地而土尔扈特饒馬俄羅斯興之市易土尔

扈特資其贍給。凡有征調。多從之往。俄羅斯嘗與雪西洋及西費耶斯科戰。土
爾扈特以兵助之。後土爾扈特寢弱。俄羅斯遂指土爾扈特為己屬國。土爾扈
特習蒙古俗。務畜牧。逐水草徙。而俄羅斯城郭居風俗既異。土爾扈特重佛教。
敬達賴喇嘛。而俄羅斯尚天主教。不事佛。以故土爾扈特雖受其役屬。而心不
甘。恆歸向中國。和鄂爾勒克有子六人。長書庫爾岱青。次伊勒登諾顏。次羅卜
藏諾顏。餘三人無嗣不著。順治十二年。書庫爾岱青遣使錫喇布鄂木布奉表
入貢。是為土爾扈特通貢我朝之始。十三年。伊勒登諾顏遣使錫喇尼和碩齊
入貢。十四年。羅卜藏諾顏及子多爾濟遣使沙克錫布特達爾漢烏巴什阿巴
賴等貢駝馬二百餘。復攜馬千乞市歸化城。詔許之。始書庫爾岱青為子。棚楚
克納巴圖爾琿台吉女為婦。生子阿玉奇。育於巴圖爾琿台吉所。及和鄂爾勒

克從牧時。未之禱也。書庫爾岱青既嗣為部長。仍赴唐古特。熬茶供佛。謁達賴喇嘛。還時。假道準噶爾。索阿玉奇以歸。書庫爾岱青卒。棚楚克嗣。棚楚克卒。阿玉奇嗣。始自稱汗。康熙中。表貢不絕。其貢道始皆由哈薩克經準噶爾地達嘉峪關。嗣後土爾扈特部與準噶爾部仍以戚黨。故往來不絕。策妄阿拉布坦乞婚阿玉奇。仍妻以女。阿玉奇子散扎布台吉率萬餘衆偕往。康熙三十五年。大兵征噶爾丹。阿玉奇聞噶爾丹敗。遣宰桑以所部兵千防諸阿爾台之土魯圖。既而阿玉奇所屬諾顏和碩齊色布騰蒙克等從策妄阿拉布坦使入貢。慶捷優賚遣歸。是時阿玉奇與策妄阿拉布坦方修姻睦。初不料後此之大為讐敵也。自噶爾丹既滅。策旺阿拉布坦潛謀兼併。始與阿玉奇構釁。留散扎布不遣。西歸。阿玉奇索之。乃遣散扎布歸。而盡奪其屬戶萬餘。阿玉奇嫂攜其子阿喇

布珠尔入藏禮佛策妄阿拉布坦攔之不得歸又不使阿玉奇入藏熬茶並邀

奪阿玉奇貢使賜物而絕其貢道阿喇布珠尔既不得歸款閔乞內附我朝封

為貝子昇黨色尔騰地為游牧

秋濤案此地介居黨河及色尔騰海之間故名
黨尔騰一統志云土尔扈特國王阿玉奇弟阿

喇布珠尔自西藏還不能歸內屬封貝子令居嘉峪關外黨色尔騰之地即此
事也阿喇布珠尔旋卒子丹忠襲雍正九年以色尔騰牧地通噶斯之察罕齊
老圖囉準善尔掠乞內徙於額濟納即今甘肅邊外額濟納舊土尔扈特族也

方思所以送之歸者而阿玉奇亦以貢

道梗塞遣使假道俄羅斯由庫倫路入貢於是敕使圖理琛等亦假道俄羅斯

報之自是土尔扈特始與中國隔絕非假道俄羅斯不得通矣圖理琛之出使

也自康熙五十一年五月北行五十三年始至薩喇托付蓋土尔扈特與俄羅斯

斯界也阿玉奇遣台吉宰桑等導至設帳處我使授敕宣諭訖語之曰阿喇布

珠尔已賜爵優養欲遣歸尔牧以策妄阿拉布坦惡尔恐戕之而詭以哈薩克

哈喇哈爾榜為辭也。爾若欲令阿喇布珠爾歸。當自俄羅斯來迎。阿玉奇曰。俄羅斯乃嗜欲不通。言語不同之區也。若以往來數。故不假我道。則我無由達中國矣。阿喇布珠爾幸為天朝臣僕。請勿違歸。時阿喇布珠爾之父納扎爾瑪木特亦贈我使臣馬及方物。我使以入境無私交辭。阿玉奇待之有隆禮。留旬餘。筵宴不絕。五十四年春。圖理琛等仍由俄羅斯回京復命。蓋前後歷四載。乃還。其詳見圖理琛自著異域錄中。秋濤纂圖理琛一作圖麗琛字瑤圃此事諸家記載或專繫於康熙五十二年誤也今考正。其程途所經。大抵山川寥闊。七難八阻。夏苦泥淖。冬苦積雪。甚寒。舟行每以凍阻。騎行一遇泥淖。咫尺地不相往來。又其居民鮮少。挽舟供驛。民力皆甚竭。屢遲延之故。半緣於此。非盡由彼國之故為紆途也。乾隆二十一年。土爾扈特使吹扎布等入覲。稱奉其汗博羅布喇什。令假道俄羅斯。亦三載乃至。請赴唐。

古特謁達賴喇嘛。上遣官護往。二十二年。自唐古特還。並頒賜懷囉布喇什幣。
物。二十三年。新疆盡入版圖。先是有台吉舍校者。本土爾扈特之族。不從西徙。
仍居伊犁境。為準噶爾屬台吉。大軍征準部。獲達瓦齊阿睦爾撒納等。以叛相
繼誅滅。舍校獨抗不降。竄匿庫克烏蘇喀喇塔拉境。於是將軍成色扎布兆惠
率馳勦。舍校竄博羅塔拉。將為奔俄羅斯計。我軍尾及之。于布什古河源射擒
其從弟奇章什布。舍校方詭約降計。賊副都統唐喀祿馳諭喀喇瑪嶺遣使
俄羅斯。俄羅斯執之。舍校潛遁。問道將赴土爾扈特。俄羅斯羈諸森博羅特圖
喇。森博羅特圖喇一作僧博羅特城。在額爾齊斯河西北極出地五十
三度三十分。偏西三十二度二十分。地距中國界已千餘里。阿睦爾撒納之
竄也。亦由斯以遁兆惠等率大兵追討。遣署參領額林策等至森博羅特圖
喇。伺俄羅斯之馬玉爾等查問蹤跡。蓋此地為西北孔道。往來所必經也。詔
遣兵擊之。未至。俄羅斯徙舍校入其境。諭理藩院檄俄羅斯以舍校獻。舍校懼。

由俄羅斯歸額濟勒土爾扈特牧。博囉布喇什已前卒。子渥巴錫嗣為汗。當是時土爾扈特部西徙額濟勒河已閱七世。百七十餘年矣。乾隆三十六年渥巴錫以其游牧數十萬眾。東起伊犁。初和鄂爾勒克至額濟勒時。人戶微。牲畜少。百年生息。戶口日蕃。於隨渥巴錫居於額濟勒河南岸者。四十六萬餘戶。北岸所居數亦相當。當時俄羅斯察罕汗屢征土爾扈特兵。與鄰國戰敗績。土爾扈特部策死者七八萬人。察罕思雪其耻。復征兵於土爾扈特。土爾扈特諸部將人人憂懼。渥巴錫計各所出。其自伊犁逃來之舍稜等。因說渥巴錫曰。伊犁等處舊居之輝羅斯特和碩特輝特皆為大兵勦滅。萬里之地。空虛無人。可據而有也。渥巴錫悉焉。遂與台吉喇嘛密議。果從。約定北岸所居人戶於河冰結後。同赴伊犁。舍稜流言於眾曰。察罕汗今又征兵。令十六歲以上者盡數赴

敵是欲殲滅土尔扈特之人也。眾皆洶懼。渥巴錫乃集大小宰桑。諭以逃走伊犁之利。眾喜。皆為遠行之計。時三十五年十月也。是歲冬。溫河冰不凍。渥巴錫不能待。河北人戶遂殺俄羅斯匠役十人。及貿易人等。攜四十餘萬部眾東走。

沿途劫掠。攻破俄羅斯城池四處。察罕汗聞之。使其濟納拉喇領兵數萬追襲。

秋濤案濟納拉喇被國之將軍也。

渥巴錫人眾已逾坑格勒圖喇。

秋濤案即鑑格爾圖喇俄羅斯小城也。或云係俄羅斯卡

倫而南已入中國地界。濟納拉喇乃引兵逐。渥巴錫既入中國。乃由巴尔噶什

淖尔而進。其間經過之戈壁五日行。雖有水氣寸草不生。牲畜倒斃無算。行至

青可斯察漢。

秋濤案西域水道記作慶吉斯察罕。

哈薩克汗阿布資及阿布勒必斯阿布勒班畢

特興之戰。又有台吉額勒里納拉里要劫之。相持二十餘日。向沙喇伯勒南界。

布魯特聞之人各喜躍相慶。聚集十餘萬騎。星飛雲擁。渥巴錫避入沙喇伯勒。

北界而千餘里戈壁無滴水寸草時際三月天氣溫暖人皆取馬牛之血而飲瘟疫大作死者三十萬人牲畜十存三四經十餘日狼狽逃出而布魯特久候於戈壁之外或前或後或聚或散日夜追殺搶奪被劫之男婦子女牲畜什物數倍於哈薩克直至他木哈地與內地卡倫相近布魯特始歛兵退渥巴錫至他木哈所屬男婦大小猶有二十七萬口伊犁將軍伊勒圖遣侍衛普濟保察哈爾領隊大臣納旺散秩大臣額魯特碩通滿洲協領全鑑巴虎佐領呼圖克前往問其來意渥巴錫與其台吉喇嘛計議六七日始定以投誠大皇帝為詞時與渥巴錫同來之台吉策伯克多爾濟先已遣格隆訥木庫巴勒珠爾宰桑集布贊等赴將軍前請安備陳投順之情各委員等乃引渥巴錫謁見將軍因獻玉器白鳴時刻表定宣窯瓷器自來火鳥鎗拉古尔不碗金錢等物並獻

其先世所受明永樂八年漢篆封爵玉印一顆。於是伊勒圖先將其衆安置伊犁隙地。馳驛以其事上聞。先是高宗純皇帝聞土爾扈特將至。慮伊勒圖一人不能經理得宜。特命舒赫德前往視事。導旨收撫安戢。所至如歸。時廷議以舍稜同來。情屬叵測。上以受降如受敵。自不可不稍為之備。然彼既背棄俄羅斯。豈敢復與我為難。是其歸順之事。十有八九。詭計之伏。十之一耳。至舍稜既偕衆來。若聲言前罪受衆降而獨拒舍稜。則窮無所歸。必寇掠邊鄙。且恐舍稜不來。同行之衆亦疑懼不前。儻俟其既至。執舍稜罪之。尤非所以昭威信。示懷徠也。乃決計宥其已往。悉加恩錫。或又以為不宜受俄羅斯叛臣。虞啟邊釁。上曰。舍稜即我之叛臣。歸俄羅斯者。何嘗不一再索取。而俄羅斯訖未與我也。今既來歸。即以此語折俄羅斯。彼亦將無辭以對。因令理藩院以此意傳檄。示知俄

羅斯並命額駙色布騰巴爾珠爾等馳赴伊犁慰諭率領渥巴錫並擒其台吉頭目應入覲者偕舍稜凡十有三人咸赴熱河引見蓋我朝列聖相承撫綏藩部內蒙古最先附外蒙古喀爾喀次之既而降杜爾伯特平準噶爾和碩特及是土爾扈特來歸而四衛拉特之衆胥隸帡幪從茲蒙古之族悉為王臣矣土爾扈特自順治年間間道入貢至是凡一百二十餘年竟全部內附聖祖之遠道遣使初非欲招而致之也然深仁厚澤固結人心宜阿玉奇汗之子孫世世感念不忘高宗克繩祖武措置咸宜百萬之衆指麾立定即此一事不已足徵兩朝大聖人先天弗違後天奉若之至德歟誠自生民以來未有之盛舉也秋濤案高宗之處土爾扈特也可謂仁如天智如神矣始聞歸順之信方嘉其攜挈遠來之意甚誠即察其貼危求息之情甚憊蓋各大臣遵旨設汛偵探於俄

羅斯之兵追哈薩克布魯特之劫掠皆已洞悉其情狀。

乾隆三十八年將軍伊勒圖奏哈薩克汗阿布

贊請將在哈薩克之土爾扈特與在土爾扈特之哈薩克互相更換等語奉上諭此事毋庸辦理土爾扈特自阿濟勒來投時已被哈薩克擄掠多人此在進卡以前之事難以管理今若彼此查換亦屬紛煩而哈薩克貪得無厭藉此又不免別生事端且土爾扈特投誠時勢極窮蹙多方加恩籌其生計稍得其宜如更換後伊等不能養贍轉為不便著傳諭伊勒圖如阿布贊再提及此即言土爾扈特哈薩克同係大皇帝臣僕不拘何地俱可遊牧不必互相更換等語明白曉諭按西域聞見錄記土爾扈特進卡以前被掠各情形最詳觀此知其所記皆實事也以故於此數萬之衆凍餒疔瘡之形時懸於目而惻於心凡宵旰所空圖郵函所諮訪無暇無輟乃得悉其大

要於是為之口給以食人授以衣分地墾居使就米穀而資耕牧則以屬之伊犁將軍舒赫德出我牧群之孽息驅往供饋則以屬之張家口都統常青發帑運茶市羊及裘則以屬之陝甘總督吳達善而嘉峪關外董視經理則以屬之西安巡撫文綬維時諸臣以次馳牘入告於伊犁塔爾巴哈台之察哈爾厄魯

特。凡市得馬牛羊九萬五千五百。其自達哩剛愛商都達布遜牧群運往者。又十有四萬。而哈密關展所市之。三萬不與焉。撥官茶二萬餘封。出屯庚米麥四萬一千餘石。而初至伊犁。賑贍之茶米不與焉。甘肅邊內外暨回部諸城。購羊裘五萬一千餘襲。布六萬一千餘疋。棉五萬九千餘斤。氈廬四百餘具。而給庫儲之氈棉衣布不與焉。計費帑銀二十萬兩。而賞貸路貲及宴次賚予不與焉。伏讀聖製文。詳言其事。蓋籌畫無不悉。賙惠無少靳。而土爾扈特諸部落之人。乃得以休養生聚。共安熙祿之風也。允矣其仁如天哉。土爾扈特之安居額濟勒也。已一百數十年。可謂久矣。一旦盡棄其故土。不遠數千里。內投中國。非人情也。蓋其外以歸順為名。而內實欲竊據伊犁。此則情事之灼然無疑者。然其欲游牧伊犁。自大聖人觀之。則亦不足為罪。何則。自古用兵朔漠。往往勝其人。